

東方雜誌

第十八卷
第一至四號

(1921年1月—1921年2月)

上海書店出版社

東方雜誌

第十八卷
第一至四号

(1921年1月—1921年2月)

上海書店出版社

東方雜誌

第 十 八 卷 第 一 號
民 國 十 年 一 月 十 日 發 行

中華郵政特准掛號認爲新聞紙類
每份二分

▲本號要目▼

東方文化與吾人之大任
未開發國之工業(羅素原著)
羅馬教皇與歐洲政治
高加索社會主義國
馮德之生平及其學說
現代哲學的厄運
馬克思的唯物史觀
文學批評——其意義及方法
威爾士的新歷史
佛朗西訪問記
中國煤礦業小史
名家小說(二篇)

The Eastern Miscellany

Vol. XVIII, No. 1, January 10, 1921

Commercial Press, Limited, Shanghai, China

上海商務印書館印行



東方雜誌第十八卷第一號目次

插畫

三色版名畫『聖母受胎圖』 世界最著名之雕刻二幅 國際聯盟第一屆議會情形

評論

新年之樂觀(堅瓠) 聯邦主義與省界(說麟) 國際聯盟議會閉幕之感想(羅羅) 英國煤礦罷工之教訓(端六)

訓(端六)

未開發國之工業(羅素原著)

東方文化與吾人之大任

世界新潮(附圖十二)

羅馬教皇與世界政治(W) 高加索社會主義國(W) 英俄通商草約(W) 般哈提之第二大戰說(W)

實行禁酒後之美國(W) 奧國選舉與政黨(W) 比薩拉比亞割讓之經過(W)

馮德之生平及其學說

馬克思的唯物史觀

文學批評——其意義及方法

威達敏

一——六

楊端六 七一—八

陳嘉異 一八一—三八

三元—五〇

康符 五一—五九

范壽康 六〇—六九

愈之 七〇—七三

高常 八三—八六

新思想與新文藝(附圖三).....

八九—九八

威爾士的新歷史(愈之) 羅馬尼亞新彫刻家(藝才) 現代哲學的厄運(愈之) 佛朗西訪問記(馬鹿)

知事下鄉(法國杜德原著).....

冠生 一〇一—一〇四

捉迷藏(俄國梭維古勃原著).....

配嶽 一〇五—一二六

讀者論壇.....

一七—二四

中國煤鑛業小史(汪胡楨)

科學雜俎(附圖四).....

一三五—一三八

最新發明之選舉投票機(P) 利用聲學之露天演講臺(P) 微生蟲行動之速度(P) 乳油分離器(P)

免除酸壞之製糖法(P)

最錄.....

一二九—一三六

撤防論 吾國工商事業之改善方法 地震的道理何如

法令.....

一三九—一四六

監犯保釋暫行條例 修正衆議院議員選舉法施行細則

中國大事記.....


一四七—一四九

外國大事記.....


一五〇—一五二

中華民國十年一月十日發行

世界最著名之雕刻
（百一第卷）




女神



奴隶

形情會開會議屆一第盟聯國際國



影之鈞顧代我角右上議日第一上閉八月十二日開會。瓦內士日瑞在。去年十一月十五日於議第一屆聯盟國際國



評論

新年之樂觀

堅瓠

使人類之眼光。惟踟躕於白駒過隙之現在。世中則生活將不勝其煩懣。而吾人之所努力所經營。且等於空花幻影。而無永久之價值。顧除希臘犬儒學派及中國楊朱列禦寇等之極端爲我主義者外。卒未有持此種消極的人生觀者。則以人生之價值。不僅在於現在。世。吾人懸一未來世之鵠的。以爲現在世進行之標準。縱使遭際有順逆。成就有淺深。要之多少。必能改變現在之環境。以接近其所求達於未來世之鵠的。則可斷言也。至德國大哲郁根。則所言更爲透切。據彼之意。則吾人不特有對於未來世之希望。即過去世之事。亦可以現在世之行爲。變更而改造之。吾人往日縱有失德遺行。一旦痛自刻責。則舊

染之污從而湔滌。而過去世即爲吾人所戰勝。蓋據郁根之意。天下之事物。皆在方成之會。而未達已成之境。已成者其表面之一部。方成者其包涵之全體。吾人既通觀於包涵之全體。則過去世與現在世。自能貫通一氣也。（參看 A. J. Jones, Rudolf Eucken pp. 43-48）此亦足以擴大生活之內容。策勵進取之勇氣矣。

舉眼前之例言之。則去年者過去世。而新年則方自未來世而進入現在世者也。去年一年間事。國內如直皖戰爭。自治運動。國外如國際聯盟之成立。吾人當日皆嘗寄有無窮之希望。而其結果則什九不能如吾人之豫期。甚者且適與所豫期者相反。此悲觀之士所不免傷心短氣者也。雖然。吾人亦但問對於所求達之鵠的。是否已經盡力而已。設已經盡力。且能繼此而爲不絕之進行焉。則結果之差強人意者。固可爲更進一步之基礎。即結果之與豫期相反者。

亦可爲改絃易轍之借鑒。區區一年之短期間。何足以定全體之成敗者。譬如直皖戰爭。吾人所豫期者。蓋在推倒軍閥而確立民治。此種豫期之尙未實現。固無所用其諱言。然軍閥與民治之根本不相容。與夫欲確立民治之當用自力而不當求助於他力。則於去年已略見其一斑。是非吾人至大之教訓乎。他如自治運動之不能得一民選之省長。國際聯盟之無小國發言之餘地。亦均可作如是觀。吾人有當自咎其進行之不力者。有當改換其進行之步驟者。而過去世之結果。足以爲未來世之教訓。則一也。且時間者。由分秒之積漸而成者也。故吾人一面當爲自強不息之努力。一面亦當有相當期間之忍耐。若欲以少許之勞力。求過分之速效。及速效既不可得。則諉過於環境之不善。而中止其進行。是直淺嘗驢等。不知時間之定義者耳。於環境之不善又何與耶。東方雜誌既爲定期出版物之一。自不能不與時間

有關係。自過去之十七年來。亦嘗應時勢之要求。對於社會。盡其棉薄之能力。然同人亦胡敢以此自閼。將憑其粗糙之基礎。力圖進步。以無負社會之期待。其內容之未善者。尤願讀者諸君之指示。俾得奉以爲改良之準繩。故敢於十八卷發刊之始。引郁根論時間之說以自勉。且以增讀者諸君新年之樂觀焉。

聯邦主義與省界

說難

吾國之國家組織。應趨於聯邦主義。此說也。今已盛行。蓋將成爲國是矣。大凡一國之中。能有一主義焉。成爲國是。於社會之進化。必爲利多於害。是以聯邦主義。在理論方面。吾雖未遽贊同。在事實方面。吾已不當復致其反對。

雖然。人類之建立社會也。大抵由分而合。由合而更入於分。其由分而合也。則由部落而成爲極端的中央集權之國家。其由合而分也。則更由獨裁政體之

國家成爲合議政體之國家。由是而更成爲地方分權之國家。凡此種種之變遷。與國家目的之增高。人民參政力之成熟。法治模型之進步。皆有密切之關係。要而言之。中央集權式之國家之漸趨於地方分權者。乃人類社會性發達之結果也。非其社會性崩離之結果也。乃人類互助能力增長之結果也。非其互助能力萎縮之結果也。

審若是。則持聯邦主義者。其奉公圖治之心。必更切於中央集權論者。（以中央集權論者。多同時爲帝國主義者。常爲擴張領土之虛榮心所支配故）而返顧吾國。則不然。今人動曰。某省者。某省人之某省也。嗚呼。此省界之說也。非聯邦主義之說也。此社會性之崩離也。此互助能力之萎縮也。以省界之實而被聯邦主義之名。如之何其可也。

凡一政治在過渡之秋。何奇蔑有。苟有人焉。因勢利導。則其改革之動機雖劣。而未始不可漸納之於正。

軌。果能如是。所謂聯邦主義。或有真正實現之一日。苟提倡指導之人。亦以感情爲事。而不能勉自淬礪。以養成適應此新潮流之資格。則社會進化停滯之責。必有所歸。吾人奈何不早爲之所也。

國際聯盟議會開幕之感想

羅 羅

國際聯盟第一屆議會。於十二月十八日閉會。本屆會議。歷時三十四日。議決案之重要者。有設立國際法庭案。取締鴉片貿易案。許奧保等國加入聯盟案。自表面觀之。則成績不可謂不良。然自實際而論。則聯盟議決案。足以促進實際平和者。實甚希少。其中最足使吾人遺憾者。其一則議會行動。完全受理事會之牽制。換言之。卽受英法意日四大國之牽制。小國在議會中無自由動議之能力。在本屆議會。實顯而易見。其二聯盟對於時局之實際困難。初未稍加

注意。如各處正在醞釀之戰事。中歐方面新訂之國際條約。議會中未嘗稍加考慮。夫調停戰爭與審定國際條約。爲國際聯盟最重要之任務。今議會徒爲不急之務。而對於當前之重要問題。均未考慮。則可見聯盟實力之薄弱矣。阿根廷代表謂聯盟議會之行動。直如築屋於沙上。其言深足味也。

吾國代表出席聯盟議會。賴顧維鈞氏之努力。頗獲良好之結果。理事會中本年非常駐委員。額僅四名。而中國亦得佔一席。使此一年內。中國得與五大國同握聯盟之行政權。此舉至少亦可增加我國之國際榮譽。其次則山東問題之解決。亦頗呈樂觀之象。議會輿論對於吾民意志。已多了解。將來中日懸案。無論在國際法庭或在第二屆議會提出。必能得多方面之贊同。惟實際外交。無不當以內政爲後盾。吾人鑒於外交地位之增高。言念內政。則又不禁心痛耳。

英國煤礦罷工之教訓 端 六

近世社會的組織。由小團體而成大團體。吾於本誌第十七卷第二十三四兩期。業已約略述之。今閱倫敦太晤士。見去年十月英國煤礦罷工之爭論。頗多興味。茲特介紹大概情形。爲國人研究社會學者之一助。

英國煤礦工人之數。目下已達一百二十萬。去年所出之煤。估計約二百四十兆噸。比之戰前（一九一三年）工人增加九萬餘。出煤約減少四千七百萬噸。然以近年來歐洲煤噸缺乏。英國煤出口噸數雖較前減少。而煤價大昂。是以礦主獲利甚厚。工人見礦主有利。乃要求加薪。礦主初不允。工人遂同盟罷工。礦主乃提出左列條件。

如果英國出煤總計達二四〇〇〇〇〇噸。則男工每日加薪一先令。幼工加薪六辨士。童工

加四辨士半。

如果英國出煤總計達二四四〇〇〇〇噸。則男工每日加薪一先令六辨士。幼年工加九辨士。童工加六辨士四分之三。

以下仿此。質言之。卽出煤總計每加四百萬噸。則男工加薪六辨士。幼工加三辨士。童工加二辨士四分之三。

此條件不爲工人所應允。罷工之事繼續如初。一直延長十七日之久。卒以左列條件定局。

一、永久辦法。由兩造組織委員會。於今年三月三十一日以前。籌設新法以調和爭論。

二、暫時辦法。罷工終止之時。男工加薪二先令。幼工加一先令。童工加九辨士。自今年一月三日起。每四週改正薪金一次。其標準則依照去年九月底爲止。三個月之煤噸出口價額總數。以此爲準。增加三種工薪。一先令六辨士。四辨士半。

如以後每週煤噸出口之總價額比上述之三個月每週平均出口總價增加二十八萬八千鎊。則三種工薪每月應增加六辨士三辨士二辨士四分一。

此項條件爲勞動大臣提交礦工聯合總會者。礦工聯合總會付之礦工表決。投票人數共六八四、五四九。反對者三四六、五〇四。贊成者三三八、〇四五。反對多八、四五九票。然關於同盟罷工之礦工聯合總會之規則有左列一條。

凡全國同盟罷工實行以前。應行會員總投票。非有三分之二贊成罷工者。不得宣告罷工。如投票正在罷工進行之際。則須有投票者三分之二之贊成。方能繼續罷工。

今贊成政府提案者居百分之四九·三八。反對者占百分之五〇·六二。反對者雖占多數而不及三分之二。故此罷工終止。

由此吾人得左列兩種教訓。

第一、近世團體的組織益趨於大規模的行動。即如此次罷工爭論。在礦主一面。則視各礦爲一團體。故以出煤總噸數爲加薪之標準。在工人一面。亦視各礦爲一團體。故以出口煤價總額爲加薪之標準。依礦主之辦法。工人不得不交相勉勵以增加出煤噸數。蓋怠惰者足使出煤總噸數減少而不利於全體工人故也。依工人之辦法。（此次協定案。雖係政府提出。實則近於工人原來之要求。故可視爲工人之辦法。）則各礦主不得不自己發憤以擴張煤噸銷路。蓋不如是。則別人得利。己不得不負擔高價之工薪故也。

第二、少數服從多數之公例。不能用於破壞的行動。譬如此次政府提案。反對者實居絕對的多數。今以不及三分之二之故。不得不服從比較的少數之意志。可見多數少數之定義。不必有絕對的標準。



未開發國之工業

楊端六

此篇爲羅素先生十二月十日在中國社會政治學會 (Chinese Social and Political Science Association) 之講演稿。承羅素先生厚意。以此稿送來本誌譯刊。關於中國對於工業之現在及將來應取之態度。指示極明。惟此種問題。原極複雜。望讀者將全篇論旨融會貫通之。勿摘取其中一二語以供爭論之助。則幸矣。九、一二、一七、譯者識。

關於本問題。我自覺無甚把握。我既鮮有工業上之知識。而未開發國之工業尤爲我所不知。聽講諸君當必有以教我。也。因此之故。我不欲發表一定之主張。惟將問題之真相一一分而析之。並指出種種解

決方法。爲吾人所已知或將來可以見諸實行者。

未開發國之工業問題。可以按照各該國人口情狀分爲三種討論之。第一、人民殆不存在之國。第二、野蠻人所在之國。第三、工業雖未發達而人民較有文化之國。第一種國不常發現。必欲得一近例。則佑根 (Yukon) 在北美亞拉斯加地方。金鑛區可以充之。此種事實。在昔年非常重要。美澳兩洲全體均屬之。蓋紅印度人及澳洲土人爲數極少而極弱。不足以算爲人口。歐西各國之殖民。首爲美國。次則坎拿大西部。均未遭紅印度人之何種妨礙。謂此爲一片

空大陸之開發。實無不可。而開發人口業已繁庶之國所必經之困難。於此亦不概見。對此空而饒之地。方。資本主義乃爲開發之善策。既不見有十分暴烈之情況。而其能力與企業足以督促其開發至於最高限度。吾人一考資本主義開拓西美之歷史。不得不瞿然歎服者也。彼殖民者自亦有腐敗之行爲。而對於原有土著之人。亦曾施其殘酷之手段。如小說家迭更斯所述 Martin Chuzzlewit 者。然吾人苟比較由東美至西美開拓之迅速及其繁盛與開拓者所費之辛勞。則不能不承認近代資本主義之大。有造於新國也。惟是曠野開拓之功。今已將告完竣。資本主義對於最新之企業。已不如五十年前之有聲望矣。

開發野蠻人國之最大適例。爲赤道一帶之非洲地方。於此有兩重要問題發生。(一)歐洲列強之相互的競爭。(二)人道問題。關於第一項。吾將於後面敘

述各國爭雄時論之。此處暫不多贅。第二問題爲吾人討論之要點。蓋工業主義實行之初。常易流於殘酷。而施之野蠻人種尤甚。剛果在比王勒頗 (King Leopold) 治下之史蹟。人人所知也。即南非洲金礦 (Rand Mines) 亦因疾病傳播之故。(就中尤以肺癆爲甚) 致土人受不少之損害。工業主義一至野蠻人國。即足以逞其用原料之氣概。用盡土人。是固濫費人力之常情。充其極。必至於絕滅土人而後止。工業未盛之國家。雖除工業未盛一事以外並無何種不開化之事。而一旦欲開發工業。亦不得不如野蠻人國同受工業主義之流毒。不過程度有等差而已。

第三種未開發國。即已具一種獨特文化之國。最有研究之趣味。且與吾人今日有特別關係。最複雜而最難解決之問題在此。解決方法已經試驗者之多。亦在此。今試取印度日本俄羅斯三國之先例而一

考之。其有裨於中國者。良非淺鮮。

印度工業之發達。純恃英國之資本。惟英人開發印度有一條件。即不能因此損害英國之對印度貿易是也。蘭嘉縣 (Lancashire) 棉布貿易。尤爲重要。印度工業之發達以漸。且平靜。假使不在外國統治之下。工人所受之苦 (Sweating) 或更多。童年工作者 (Child Labour) 或更衆。然自印度愛國者視之。則發達猶嫌過遲。且不能普遍。足使印度有自給之能力。然此亦何害之有。自國際關係視之。毋寧謂之有利。英國統治印度之文明。其結果爲善爲惡。今且暫措勿論。

日本所取之進路迥異。其工業之振興與其獨立及權力之奮鬪有密切之關係。質言之。與其海陸軍之維持有密切之關係。國家之開發爲愛國心所驅策。故創始之後。即收歸國人之手。彼等目的在保全國民之自由。其勇敢之狀。至爲可佩。自創始以迄於今。

亦未經何等挫折。然急功過甚。不得不固執其國民的情感。以是惹起國外之敵愾心。日本之將來。果否不像德國一敗塗地。殊屬疑問。一國苟不能力敵全世界。則國民自負之心太甚。必發生極危險之事情。今日之能力敵全世界者。其惟美國乎。

至於俄國。則又不同。其所採政策雖亦有與日本相似之處。而實際上俄國並未開發。今鮑爾希維黨無上之希望。即在使俄國變成一大工業之邦。然因全世界之敵視。遂不得不絕望於外來之援助。而以國家之力總攬開發之事業。雖然。據現有之經驗衡之。吾人可斷言曰。俄國欲開發之成功。還須多少借用外力。其法半爲機械之供給。半爲熟練工人及專門人才之利用。夫圖工業之發展。自始即不假手於先進國。亦未始不可。惟至少須歷一世。乃克有成。而俄國今又不能久待。是以鮑爾希維黨訴之於武力及宣傳。意欲各資本家國懼而講和。照目下情勢察之。

彼等如能稍示緩和之態度不難立即成功矣。由上言之。欲發達工業。有兩對選擇。一、由國民自爲之。或外國代爲之。二、爲資本主義的。或社會主義的。此外在理論上還有一法。即不需工業是已。今將本問題分作三層論之。

一、爲何不令工業全不發展。

二、發展工業應由國民自爲。抑由外國代爲。

三、發展之性質應爲資本主義的。抑爲社會主義的。

一 爲何不令工業全不發展

反對工業主義者。理由甚強。而勢力平衡之說不與焉。十八世紀末葉以前。世界並無所謂工業主義。而亦存在。工業主義之傳播。常挾破壞之事以俱來。卽如英國。古代美景。多爲工廠鑛區所殄滅。詩家自韋茲物斯(Wordsworth)至莫利斯(William Morris)無不引爲遺憾。而童年作工。長時勞動。餓人的工價。

均爲慈善家及社會改造論者所抗爭者。今則情勢大變。慈善家所詆爲罪惡之事。大抵不復見矣。詩家所嘆。吾人亦既習而安之。然此在吾英則然也。國如中國。殄滅美景之事。尤爲有目者所共見。吾料主張工業發展之人。縱令心地極其嚴峻。亦不能漠然無所動於中。試溯長江而上。則雖謂不雅觀者。惟上自工廠油池。下至鳳尾魚鱗之工業。實不爲過。手工及其中所含蓄之自然的美術遺意。不免破壞。則亦工業主義之罪也。循是以往。人類之本性。似將有所變易。譬猶貨物。用機械製成。千人一律。自給自足之人。已不復見於世界。惟如一輪一齒。隨大機而動耳。雖然。自美術上見地。攻擊工業主義。或不關緊要。所痛恨於工業主義者。乃以其逼迫老幼男女。使之違反其本性。從事於不自然的。不自發的。人爲的生活。果使工業發達至極。則人類將不復見有青草之地。新雨之後。不復嗅得泥土之氣。惟促處於數尺之地。